




„Edukacija se komercijalno ne isplati ali se isplati ulagati u ljude“

Sulejman Ćatibušić: „Edukacija se komercijalno ne isplati ali se isplati ulagati u ljude“ S4EP19



Gost u 19. epizodi **Besjeda o obrazovanju** je, *Sulejman Ćatibušić Gigi*, programer u penziji, edukator, mentor koji kodira još od **1972. godine**.

- Razvijao je sisteme u *avio industriji*, radio je kao asistent na **ETF-u u Sarajevu**, pokrenuo i svoju školu kodiranja, razvijao kurikulume za obučavanje novih programera i svoju ljubav prema poučavanju nastavlja živjeti i danas.

Nakon što je njegova mama pročitala u novinama članak da se u **Drugoj gimnaziji** osnovalo matematičko odjeljenje, pomogla mu je u odluci koja je bila prvi korak ka njegovoj karijeri programera. Prisjećajući se svojih profesora, ističe koliko su profesori u to doba bili mnogo bliži svojim učenicima.

Studirajući na **Elektrotehničkom Fakultetu**, pisao je svoje prve linije koda.

Kako su se pisale linije koda na kompjuteru **ISL 1902**, veličine trosobnog stana, programiranje na ovoj mašini danas zvuči kao naučna fantastika.

Radeći u **avio industriji**, koja je u **Jugoslaviji** bila svjetskog ranga, kako bi kao jedan programer mogao da zna kako da uspostavi informatički sistem za isti, morao je da zna kako taj avion funkcioniše. **Simulacije letenja su bile sastavni dio obuke.**

Kao mentor, smatra da je jako bitno biti dobronamjeran.

Veza između industrije i akademije se izgubila, vjerovatno u trenutku kada je industrija izumrela, odnosno značajno se smanjila u odnosu na onu koja je postojala u Jugoslaviji. Danas su kompanije mnogo manje, te su i potrebe istih drugačije.

Svoju karijeru nakon rada u Pošti BiH, nastavio je u sarajevskoj kompaniji Mistral, u kojoj je osnovao svojevrstu školu za nove zaposlene, poznatiju kao „*Gigi’s School of Coding*“, čiji kurikulum je zasnovan na principu *Learning by Doing* gdje su „učenici“ radili na stvarnim projektima. Iz maštanja o tome kako da apsolutni početnici, bez imalo znanja o programiranju nauče kako da pišu kod, stvorio se Paragon.

Paragon je edukativni program koji za devet mjeseci nudi znanje **Full Stack Developera**, spremnog za tržište rada u IT sektoru.

Predviđen je za apsolutne početnike ali je pogodan i za osobe koje imaju osnovno znanje programiranja.

Gledajte i slušajte Besjede o obrazovanju svake srijede u 19h na [Facebook profilu Besjeda o obrazovanju](#), [Instagram](#) i [Facebook profilu COI Step By Step](#) i na našem [YouTube kanalu](#). Pozivamo vas da nam pišete prije, tokom i nakon emisije, kako bismo njegovali dijalog sa vama i crpeli inspiraciju iz vaših predloga, pohvala, kritika, sugestija i pitanja.

Collections

Besjede o obrazovanju